

4/ Անանիա Մոկացի կաթողիկոսը 948 թ. կաթողիկոսական աթոռն Աղթամար կղզուց տեղափոխել է Կարինից հյուսիս գտնվող Արգինայի վանք:

5/ Գագիկ I-ն իր թագավորությանը միավորել է Արցախի մեծ մասը, այդ թվում՝ Վայոց ձորը և Ծաղկոտնը:

6/ Գրիգոր Մագիստրոս Պահլավունին Բագրատունյաց Հայաստանի վերջին սպարապետն էր:

17. Պահպանելով տրված հաջորդականությունը՝ ընտրե՛ք տերմինների ճիշտ բացատրությունները:

1/ Ք. ա. I հազարամյակում Հնդկաստանում ձևավորվում է այբբենական գիր՝ բրահմին, որ հետագայում կատարելագործվում է արամեերենի ազդեցությամբ և բավականին լայն կիրառություն ստանում:

2/ Կիլիկյան Հայաստանի բանակի սպառազինության և պարենի մատակարարման ղեկավարը կոչվում էր սպասալար:

3/ Միլեթյան փիլիսոփայական դպրոցում կյանքի նախասկիզբ համարում էին ջուրը և օդը, որոնց միասին անվանում էին ապեյրոն:

4/ Հին Հնդկաստանում աշտարակաձև կոթողային դամբարաններն անվանում էին գիկկուրատներ:

5/ Մեծ Հայքի թագավորությունում Արշակունիների օրոք Հայր մարդպետի գլխավորած գործակալությունն իրականացնում էր արքունի կալվածքների և գանձարանի հսկողությունը, Արշակունյաց շառավիղների դաստիարակությունը:

6/ Մեծ Հայքի թագավորությունում Արշակունիների օրոք մադիսագությունը տնօրինում էր հարկային-տնտեսական գործը:

18. Պահպանելով տրված հաջորդականությունը՝ տարբերակներից ընտրե՛ք սխալ պնդումները:

1/ Պատանի հասակում Տիգրան Երվանդյանը Դարեհ I-ի որսընկերն է եղել:

2/ Արտավազդ II-ը 13 հազար զորք է տրամադրել Անտոնիոսին՝ պարթևների դեմ արշավանքին մասնակցելու համար:

3/ Տրդատ III-ը կառուցել է Գառնիի հեթանոսական տաճարը և ամրոցը:

4/ Արտաշես I-ը երկարատև պայքարի արդյունքում Սելևկյաններից ազատագրել է Տմորիքը:

5/ Հռոմեացի պայմանագրով նախատեսված էր, որ Տրդատ I-ն անձամբ Ներոն կայսրից Հռոմում պետք է ստանա Մեծ Հայքի թագավորության թագը:

6/ Սանատրուկ արքան կառուցել է Մծուրք քաղաքը Մշո դաշտում:

7/ Տիր աստծու պաշտամունքի կենտրոնը գտնվում էր Երազամույն կոչվող վայրում:

19. Պահպանելով տրված հաջորդականությունը՝ տարբերակներից ընտրե՛ք ճիշտ պնդումները:

1/ Ապլոարիպ Արծրունուն են պատկանել Ադանա, Մսիս, Տարսուն, Լամբրոն և Հռոմկլա քաղաքները:

2/ 11-րդ դ. երկրորդ կեսին հայերը մեծամասնություն էին կազմում, Եփրատ գետից արևմուտք գտնվող շրջաններից բացի, նաև Կիլիկիայի, Կապադովկիայի, Ասորիքի և Հյուսիսային Միջագետքի մի շարք շրջաններում:

3/ Դաշտային Կիլիկիայի հիմնական մասը ծովի մակերևույթից բարձր է մոտ 150-200 մ և աշխարհի արգավանդ դաշտավայրերից մեկն է:

4/ Գագիկ Աբասյանն իր թագավորության դիմաց Բյուզանդիայից ստացել է Արևելյան Տավրոսում գտնվող Ծամնդավ բերդաքաղաքը:

5/ Ռուբեն իշխանն իր իշխանությունը հիմնել է՝ սելջուկների դեմ ապստամբելով և Կոռոմոզուլ բերդում ամրանալով:

6/ 1197 թ. խաչակիրների երկու բանակ ձեռնամուխ է եղել Դաշտային Կիլիկիայի գրավմանը, և քանի որ Կոստանդին I-ը վերահսկում էր Տավրոսի լեռնանցքները, խաչակիրներն ստիպված էին համագործակցել նրա հետ:

7/ Լևոն Մեծագործի հրամանով Սմբատ Գունդստաբլը կաթողիկոսի և Ատան պայլի հետ նշանակվել է մանկահասակ Զաբել թագուհու խնամակալ:

8/ Գող Վասիլը, համագործակցելով Մլեհի հետ, կարողացել է ազատագրել սելջուկներից Սիսը և փոխանցել համահայկական կարիքների համար:

9/ Հռոմկլան Թորոս II-ի օրոք դարձել է կաթողիկոսական նստավայր և այդ կարգավիճակը պահպանել մինչև Եգիպտոսի մամլուքների կողմից նվաճումը 1292 թ.:

20. Պահպանելով տրված հաջորդականությունը՝ տարբերակներից ընտրե՛ք սխալ պնդումները:

1/ Վանի թագավորության միասնական դիցարանն ստեղծվել է Իշպուհինի կրոնական բարեփոխումների արդյունքում:

- 2/ Հայասայի Կարանի արքան, դաշինք ստորագրելով Խեթական թագավորության հետ, ամուսնացել է նրանց արքայի քրոջ հետ:
- 3/ Երասխ գետի արևելյան բազուկն սկիզբ է առնում Ծաղկանց լեռներից, միախառնվում Կուր գետին և թափվում Կասպից ծով:
- 4/ Հայերի ծագման հունական ավանդազրույցի համաձայն՝ հայերի նախնին Թորգամոսն է, որից սերել են իր որդիներ Հայոսը, Արմենոսը, Քարթլոսը և կովկասյան ժողովուրդների նախնիները:
- 5/ Վանի թագավորության գերիշխանության սահմանները Արգիշտի I-ի օրոք ընդգրկում էին Փոքր Ասիայի արևելյան պետությունները, մերձուրմյան ավազանի մի քանի երկրներ և Բաբելոնիան:
- 6/ Ռուսա I-ի օրոք Վանի թագավորության բանակում առանձնացվել է «արքայական գունդը» (հեծյալ զորամիավորումներից բաղկացած ընտրյալ ուժեր), ձևավորվեցին «մարզային զորքերը»:
- 7/ Տիգրան Մեծը Ձելայի ճակատամարտում վերջնականապես ջախջախել է Լուկուլլոսին, ինչից հետո վերջինս պաշտոնանկ է արվել, և Արևելք է ուղարկվել Պոմպեոսը:
- 8/ Տիգրանակերտ մայրաքաղաքի բնակչության թվաքանակը 120 հազար էր:
- 9/ Տիգրան Մեծի բանակի կազմում բուն հայկական զորքը 120 հազար էր:

Հանրապետական օլիմպիադայի
հանձնաժողովի նախագահ՝

ԵՊՀ հայոց պատմության ամբիոնի դոցենտ,
պատմ. գիտ. թեկնածու Մ. Մալխասյան

14.01.2025 թ.